

# Bájkkeavijssa NuorttaSálto



Præssadiedáduš  
Gávva: Lars Th. Kintel

Árrana áttjak virggáj biejadum rádevadde Lars Filip Paulsen lij háhkamaden, dálla galggá dal giellabiesjda ienep oassálasstijt guollit. Árrans nyansatte rádgiver Lars Filip Paulsen fisket i auársklakken, ná skal han ut å fiske flere deltagere til giellabiesse.

## - Buorren dábddu gå le luondulasj sámástit

■ Árran julevsáme guovdásj le vas ásadam giellabiesev nuorra julevsámegielaigijda, avtsát bále. Fádda lij guollit ja guolev sláhkkit ja gárvedit ja málestit. Dán bále lidjin lågenanvidás tjáhkanam giellabæssáj Vuodna-badán állu Divtasvuona sisgietjen ávdep ájllega.

Árran giellabiesse-prosjektav gidán 2009 álgadij. Dájma ulmme le julevsámegielaiv nannit, ja njálmálasj giellamáhtudagáv ja anov lasedit. Dát prosjækta le hiebaduvvam 16-30 jagágijda gudi julevsámegielaiv muhtem mærráj dádjadi, valla e duosta ságastit ja aj sidjij gudi gielav juo máhtti.

Sanna Vannar (16) Jáhkámáhkes lij vuostasj bále Árrana giellabiesen, ja soaptsoj. Suv mielas le ájnas rijkkarájáj rastá bargat:



Giellabiesen havsskudallamin. Bra stemning på giellabiesse.

-Ájnas le munji dábddát dáppe besav ja galgav sámástit. Dat le nav buorre dábddo sierraláhkáj gå diedáv dá ietjá oassálasste aj sæmmi láhkáj dábbdi. Mij ham álu sjaddap dábddát lip dássju muhtem gallegattja gudi sámásti dájñ mijá sijdabájkijn ja navti sjaddá miján sierralágásj aktijvuohta, javllá sán.

fáron guollimin:


- Mán lav esski dán virggáj álggám, galgav dal boahhte giellabiesijt plánigoahitet, galggi edesik guokta vil dán skávllájage ja diedon aj Julevsáme vahkon snjilltjamánon dagu lip ávddála ásadam. Galgav dal ienep oassálasstijt “guollit”, javllá Paulsen.

Giellabiesse-prosjekta le ruhtadárjav oadtjum Sámedikkes ja Nordlándá fylkkasuohkanis. Árrana direktørra Lars Magne Andreassen le gijttesvasj gå oa-

### Galggá dal ienep oassálasstijt “guollit”

Árrana rádevadde Lars Filip Paulsen lij aj

jválattja dákkir dájmajt doarjju. Luluj aj luondulasj jut Divtasvuona suohkan mañenagi dákkir dájmajt doarjju danen gå suohkana guovtegielakvuodarudá dájmajt milta juolloduvvi. Dát le dal goalmát jahke mij giellabiesijt ásadip. Hættup sámástit Árrana ja skávllá álggolín jus gielan galggá boahtteájgge, ja giellabiese li dal boahám stuoves árnigin. Julevsáme giella Árranis vuoroduvvá, láhpat Andreassen.



Trond Edvard Paulsen sájdeav giesij. Trond Edvard Paulsen fikk sei på kroken.